

SYNOPSIS
DECRETA, ET RESOLUTIONES
SAC. CONGR. IMMUNITATIS

Super Controversiis Jurisdictionalibus
complectens,

STUDIO REVERENDISSIMI PATRIS
D. PETRI ANDREÆ RICCI

Pedemontani Abb. Gen. Congr. Ref. S. Bernardi
Ordinis Cisterciensis,

COLLECTA, ET DIGESTA.

EMINENTISSIMO PRINCIPI
FRANCISCO BARBERINO
S. R. E. CARDINALI

ITERUM DICATA.

EDITIO SECUNDA CORRECTIOR.



T A U R I N I, MDCCXXIX.

Superiorum Facultate.

Veneunt Romæ apud Franciscum Giannini,

EMINENTISSIME PRINCEPS.



Uum repetunt quæque principium, EMINENTISSIME PRINCEPS, ut quæ originali fota sinu prodiere felicia, ad eundem recurrentia refoveantur, indeque redeant feliciora. Hinc unde exeunt flumina revertuntur, ut iterum fluant: hinc terræ frumenta redduntur, ut multiplici germine ditescant. Prodiit jam primò Liber iste Tuis fulcitus & imperio, & auspiciis, & quamvis millenis prælorum gemitibus comparuerit sæcundus, angusto tamen non annorum, sed mensium, & dierum decursu visus est sui copia sterilefcere, communi voto, ut renasceretur, expetitus. Ad te propterea secundò revertitur, eandem sibi felicitatem pollicitans. Indubium est, quod si ejusdem Authòr Reverendissimus P. D. Petrus Andreas Riccius, qui illum summo labore, ac studio, Te auspice, Te jubente, collegit, digessit, Tibi sacra- vit, si adhuc vivens foret, aut redivivus, hunc Tibi redonaret, ceu potius restitueret. Quomodo igitur ego, qui jam Tuæ adscriptus quondam servituti à prioribus meis annis enutritus excreveram, Authori violentiam, Libro injuriam, mihi que ingrati animi crimen, alium à Te Mæcenatem excogitando intentare præsumam? Quidquid insuper de Immunitate Ecclesiastica publico fit jure depromptum, utpotè ab initio ad usque nostra tempora Barberinis Apibus mellificatum, Tuum est, Teque integro respicit argumento; Urbanum siquidem VIII. Sacræ Congregationis Immunitatis fuisse institutorem nemo inficiatur: ac exinde haud interruptam Tuæ Stirpis Purpuratorum Progeniem eidem perpetuo favisse studio agnoscunt omnes, ac profitentur. Accipe igitur, EMINENTISSIME PRINCEPS, quod Tuum est; meque hac restitutione potius, quàm oblatione suffultum agnosce qualis glorianter dicor.

D. E. T.

Humillimus, Additissimus, & Obsequentiss. Servus
Gaspar Malinus.

A B B A S.

1. **A**bbas non habet facultatem extrahendi Confugitos ab Ecclesia, cum ex dispositione Bullæ Gregorii XIV. hæc facultas solis Episcopis competat privative quoad alios Episcopos inferiores. In una Burgi S. Sepulchri 17. Julii 1668. *Lib. 1. decret. Altoviti pag. 244.* Item in una Montis Casini 28. Februar. 1673. *lib. 1. decret. Altoviti pag. 776.*

2. Et sic extractus autoritate Abbatis Abbatie nullius Diocesis restituendus est, cum extractio facta sit à non habente autoritatem. In una nullius Sanctissimæ Trinitatis Meliten. 30. Maji 1674. *lib. 2. decret. Altoviti pag. 1769.*

3. Abbati tamen Montis Casini, annuente Sanctissimo, datur facultas ad decennium extrahendi ab Ecclesiis, & locis immunibus suæ Diocesis in omnibus casibus exceptis in Bulla Greg., & etiam in omnibus aliis casibus, in quibus Episcopis licita est extractio. In una Montis Casini 6. Junii 1673. *lib. 1. decret. Altoviti pag. 809.*

4. Abbas non potest absque justa causa expellere à suo Monasterio confugitum. Neapolitana 21. Aug. 1694. *lib. 1. decret. Vallemanni pag. 140.*

5. Abbas Regularis impediens Baroncellum Episcopalem extrahentem cum excessu scandaloso, & manifesto confugitum in sua Ecclesia, & super hoc inquisitus absolvitur tamquam innocens; cum impederit sine violentia, postquam petit, ut sibi ostenderentur facultates necessariæ ad extractionem, aliàs protestando. Arimin. 30. Martii 1677. *lib. 2. decret. Altoviti pag. 1366.*

6. Abbati aliquando injungitur, ut transmittat acta super Censuris ab ipso fulminatis contra Syndicos, qui traxerant Clericos Salvaticos ad forum Laicale. In una Montis Casini 22. Decemb. 1694. *pag. 163.*

7. Item, ut informet, cur non utatur facultate ei commissa pro impendenda

Absolutione. In eadem 17. Decembris 1695. *d. lib. pag. 235.*

8. Aliquando Abbas jussu Sac. Congregationis procedit super spretu Censurarum contra incolas Terrarum sibi subditarum. Nullius S. Guilelmi 16. Martii 1694. *d. lib. pag. 111.* Nullius Montis Virginis 9. Febr. d. anni, & *lib. pag. 104.*

ABBAS S. BENIGNI.

Nullius Dioc. Prov. Taurin. Vide Verbo *Consignatio* n. 8.

ABBAS ORDINARIUS
GUASTALLÆ

Vide Verbo *Contributio causa belli* n. 44. Verbo *Extractio confugitorum* n. 27. & 28.

ABBATISSA.

Vide Verbo *Nuncius quoad Regulares* n. 18.

ABORTUS.

Vide Verbo *Mater* n. 1. Verbo *Infanticidium* per totum.

A B S E N S.

Contra Violatores Immunitatis, & Jurisdictionis Ecclesiasticæ quamvis absentes procedendum est ad Censuras. Cajetanâ 23. Augusti 1632. *lib. 2. decret. Paulucci pag. 136.*

An Absenti debitæ sint franchitiæ? Vide Verbo *Franchitia* n. 11. & seq.

A B S O L U T I O.

1. **A**bsolutio à Censuris contractis ex causa violatæ Immunitatis, Libertatis, & Jurisdictionis Ecclesiasticæ est reservata Summo Pontifici, nec ab alio potest concedi sub quocumque prætextu, etiam restitutionis statim factæ Ecclesiæ, & opinio contraria improbat. Lycien. 13. Julii 1638. *lib. 3. decret. Paul. p. 66.* Casertanâ 24. Jan. 1651. *lib. 4. decret. Paul. pag. 134.*

2. Et ita est reservata Summo Pontifici, ut vacante Sede Apostolica desit potestas absolvendi. In una Sancti Marci in Calabria 2. Junii 1691. *lib. decret. Martelli pag. 374.*